

續修藍田縣志



本齋藏

讀書田樂志

武彙年重錄

武彙年重錄

讀書田樂志

武彙

續修藍田縣志序

古者列國皆有史官掌記時事匪直爲書媿惡示褒貶已也人閱人而成世凡其政理謠俗與夫人材之消長物產之盈虛靡不筆之於冊所以成一國之掌故而上繼往昔下開來今也自秦罷封建而置郡縣郡縣之職其專且久不能埒古諸侯又例不得立史官而其撫百里之封膺社稷民人之寄論者謂實與古列國相等則夫後世府縣之有志非卽古者記時事之意乎藍田縣志修於道光十九年新建胡令元煥自時厥後中更

藍田縣志

序

四朝歷年四十可記之事指不勝屈又自同治初元粵逆回匪更迭蹂躪藍邑東西北三鄉罹禍尤酷室廬焚蕩戶口凋殘而一時膺鋒刃赴鼎鑊視死如歸之士女尤多深明大義足彰

國家風教之盛者使不迨今編輯或放軼而無聞或訛舛而不信是誰之過歟余承乏斯土六易暑寒大懼繼往開來之任隳於我躬是用與都人士商榷重修適農曹袁君廷俊讀禮家居道合志同慨然身肩其責又復博延才學李孝廉甲王廣文之壻李廣文時雍相與鈎考舊聞網羅

近事焚膏繼晷不踰年而告厥成焉自道光十九年以前
守舊志而遵循之自道光十九年以後續新志而附益之
卷帙次第條例後先一仍其故譬彼承家舊志垂爲典章
而新志奉爲約束者也譬彼行遠舊志導夫先路而新志
步夫後塵者也袁君生長鄉邦諳練故實病夫瀟澹各源
舊說軫轉已乃徒步裹糧褰裳披莽由委窮源而正之昔
人云百聞不如一見此尤足信今傳後補前志之未詳也
余不敏幸藉諸賢之力坐使數十年之逸事及身而蒐輯
完備俾後之蒞斯土者展卷瞭然不至有前無可繼之歎
是則余之心亦以少慰也夫遂序而刊之光緒紀元歲在
乙亥夏四月知藍田縣事陽湖呂懋勳謹撰

藍田縣志續修凡例

關中名志有八而武功朝邑爲尤著尊之者直欲擬諸馬班貶之者又力詆其蕪穢皆未免稍過也南宋以來圖經之法久失俗下志乘庸陋蕪雜康韓二君起而矯之叙次雅潔是其所長破壞體例是其所短不得以約省篇卷遂足以俯視一切矣夫州縣方志于古屬外史所掌其在史部也屬地理門圖經者地理門中之一種也方志之例宜以圖經爲主而參用史法俾紀綱法度與凡忠孝節義之行無不燦然畢具爾雅于古潤澤于今圖表志傳四者缺

藍田縣志

卷一 凡例

一

一不可夫然後可爲信史哉藍田前志重修于乾隆之季雜而多越今整齊其次俾歸條理先爲發凡以引覽者藍田志存者有雍正八年之李志嘉慶元年之馬志馬志中按語多稱舊志卽李志也今志於馬志按語之可存者存之直稱馬志以別于馬志之稱李志爲舊志無本之說不可以示後凡所徵引皆標出處或有訛誤後人得辨而正之

方志以地理爲主地理以圖爲主前志卷首載縣治一圖略具形似非地理家法也今志仿圖經例以圖冠首別爲

一卷

縣境錯入鄰域參差不齊有長方勾股圭形等勢惟開方之法足以明之故於縣境全圖二十里圖諸山圖道里圖皆用開方水勢曲折歷澗而注非開方所能盡故諸水圖不用

建置作圖者三輔黃圖洛陽宮殿圖例也縣署爲出治之所學宮書院爲敷教之地三者之外餘皆不圖

圖必有注昉於大易之繫辭也鄭樵謂辭以繫名蓋繫於易象之後卽圖注之所由起春秋公羊家言比事屬詞屬

藍田縣志

卷一 凡例

二

詞亦繫辭之義春秋無圖而有譜太史公書歷引周譜譜與圖名異實同故屬詞卽周譜之圖注也三輔黃圖遁甲開山圖諸書久亡其散見於唐宋人所引者皆當日之圖注故今志圖後之注雖創實因

藍田爲秦楚咽喉自古戎馬所必經之地營泚驛舖在所必詳今於縣境全圖內列清而注中更明之

前志首載天文循俗例也並引填星掩鉞熒惑入東井二事以爲藍田徵應似矣然占法統言在秦不言在藍田因桓温破符健沈田子破姚泓皆在藍田遂謂二星專主藍

田可乎今一概從刪特作地平高弧表以明授時之準
前志沿革紀事分二門雜記中又散著大事非例也今以
年經月緯之法合爲一表庶覽者犁然

職官選舉前志但錄履歷非傳非表大類花名卯冊茲特
更正其有事可紀者入循吏列傳無事者入表以存其名
山川有圖復入土地志者縣境山川皆有名于古見於史
與各地理家書圖只能辨方位不能溯古蹟也土人所呼
之名於古不合志中叙次一主俗名而以古名證注其下
蓋流俗沿訛不自今始專列古名反滋疑怪矣

藍田縣志

卷一 凡例

三

秦嶺大幹自西而東餘脉散爲諸原自南而北縣境水皆
北流羣山夾之而趨所謂兩山之間必有川也觀川勢卽
知山脉雖當圖注亦可

古蹟風土等自來志乘皆各自爲門今皆統諸土地志以
省繁冗

輞川名勝最多今以前歲已作輞川專志將附諸縣志後
故今志古蹟等但列其名而不詳叙以免重複

功令賦役全書十年一修因革損益不盡與舊同也道光
十九年賦役全書初成故志田賦全采之不厭其詳

學宮書院皆有圖復作學校志者造士之方圖難盡載彙
爲一志以昭鄭重

古者學與廟分有事則祀先聖先師於學而已元明以來
學與廟合至今已成定制呂涇野志高陵喬三石志耀入
文廟於祠祀不入於學校意在存古不自知其違今也今
志於文廟有學宮圖卽以建置爲圖注而學校志但載規
制庶于古今兩不戾

寺觀本宜入土地志今以類相從附祠祀後

藝文金石前志所無不憚搜羅以補其闕

藍田縣志

卷一 凡例

四

前志于各傳分門太多且有毫無寔事而以雷同之言類
乎考語亦爲一傳者皆不合例今使各以類附不入傳亦
不沒其名

前志以蘇晉榮察入藝苑傳非也今改入列傳韓幹施瑯
兩人占藝苑一門不成篇目故亦入列傳

前志方伎只趙胡一人不成篇目亦無可從之類而雜記
中所載有名僧道甚多不入正志亦非例也考前史如佛
圖澄鳩摩羅什元奘張果林靈素之流皆入方伎傳較魏
書之釋老志元史之釋老傳尤爲得體今志遂從此例

節孝婦已蒙 旌表者全入列女傳其未 旌而已合例
者近人修咸甯長安二志皆備載之窮鄉僻壤苦節能甘
無力上達遂致湮沒是採訪者之責也俟核其真確以次
續入

前志徵引甚博凡涉縣事雖稗官野語無不羅載今一一
刊正以明史例特成書甚速不無罅漏大雅君子匡其不
逮幸甚幸甚

續修藍田縣志職官名氏

總纂

陝西節補同知直隸州西安府藍田縣知縣

呂懋勳

江蘇陽湖人

編輯

藍田縣儒學教諭

張廷鑑

岐山人貢生

藍田縣儒學訓導

張鈞

石泉人舉人

參訂

藍田縣典史

張裕本

河南陝州人

監刊

藍田縣志

卷一 職官

六

藍田縣城守營汛把總

袁守安

西安人

校正

丙閣中書

呂懋采

江蘇陽湖人舉人

校修

丙閣中書

呂申

臨潼人拔貢

總修

戶部主事

袁廷俊

邑進士

總校

前神木縣教諭

李甲

邑舉人

候選訓導

王之埭 邑貢生

卽選教諭

李時雍 邑貢生

分編

候選復設訓導

張士鈞 邑貢生

校刊

吏員

李清吉

吏員

劉銘清

吏員

張正己

藍田縣志目錄

第一卷 圖

疆域圖

縣城圖

二十里圖

道路圖

縣境諸山圖

縣境諸水圖

水利圖

藍田縣志

卷一 目錄

八

縣署圖

學宮圖

玉山書院圖

新建玉山書院圖

第二卷 表

經緯高弧表

第三卷 表

紀事沿革表

第四卷 表

職官表

第五卷 表

選舉表

第六卷 志

土地志

第七卷 志

田賦志

第八卷 志

祠祀志

第九卷 志

藍田縣志

卷一 目錄

五

學校志

第十卷 志

藝文志

第十一卷 志

金石志

第十二卷 傳

循吏傳

第十三卷 傳

列傳

第十四卷 傳

忠孝傳

儒林傳

寓公傳

方伎傳

第十五卷 傳

列女傳

節義傳

第十六卷 傳

叙傳

藍田縣志

卷一 目錄

十

附

輞川志

文徵錄

藍田縣志卷一

圖

方志本名圖經隋書經籍志諸州圖經集一百卷是也古之爲學者左圖與右書並重其在王朝則有土訓之官掌道地圖漢蕭何入關收秦府圖籍因以知天下阨塞逮班固著漢書且據之以作地理志也圖之有關於史者如此自圖學亡而志乘之法晦于是有摩繪景物點綴山水以爲志圖者以史部之鴻裁變而爲丹青之末技廁諸序目無關典要圖經之本

藍田縣志

卷一 圖

十一

義因之愈亡藍田面秦嶺負驪山霸漣環絡原隰合沓疆界參差錯入鄰域非標其經緯不足以辨其華離舉凡政令條教之施斟酌損益之宜因地而制者均不可明此疆域圖城圖二十里圖道路圖山圖水圖水利圖之所以作也方位改清建置斯著以縣署學宮書院三圖附之庶幾出治有本不貽譏于輕其所重云


疆域圖


藍田縣志

卷一 疆域圖

三

每方三十里





藍田縣志

卷一 疆域圖

十三

縣境

府東南九十里東西距一百九十里南北距二百八十里

八到

東至雒南縣界董家樓一百五十里自界首至雒南縣治九十里

西至縣屬史家寨四十里自界首至咸寧縣治六十里南至鎮安縣界馬家山二百三十里自界首至鎮安縣治一百一十里